

四庫全書

子部

欽定四庫全書

子部

普濟方卷一百四十八

詳校官太醫院恩糧<sub>臣</sub>孔毓秀

編修<sub>臣</sub>倉聖脉覆勘

總校官庶吉士<sub>臣</sub>何思鈞

校對官典簿<sub>臣</sub>劉景岳

謄錄監生<sub>臣</sub>費元震

欽定四庫全書

晉濟方卷一百四十八

明

周王朱橚撰

時氣門

總論

易稱天地變化各正性命然則變化之迹無方性命之功難測故有炎涼寒燠風雨晦冥水旱妖災蟲蝗怪異四時八節種種施化不同七十二候日月運行各別終其度方得成年是謂歲功畢矣天地尚且如然在人安

可無事故人生天地之間命有通塞時有否泰吉凶悔  
吝苦樂安危喜怒愛憎存亡憂畏關心之慮日有千條  
謀身之道時生萬計乃度一日是故天無一歲不寒暑人  
無一日不憂喜故有天行瘟疫病者即天地變化之一  
氣也斯蓋造化必然之理不得無之故聖人雖有補天  
立極之德而不能廢之而能以道御之其次有賢人善  
於攝生能知搏節與時推移亦得保全天地有斯瘴癘  
還以天地所生之物以防備之命曰知方則病無所侵

矣然此病也俗人謂之橫病多不解治皆曰滿日自差  
以此致枉者天下大半凡始覺不佳即須救療迄至於  
病愈湯食競進折其毒勢自然而差必不可令病氣自  
然恣意攻人拱手待斃斯為誤矣 夫天時氣病者是  
春時應暖而反大寒夏時應熱而反大涼秋時應涼而  
反大熱冬時應寒而反大溫者此非其時而有其氣是  
以一歲之中病無長少率多相似者此則時行之氣也  
從立春節後其中無暴大寒又不冰雪而人有壯熱為

病者此屬春時陽氣發於冬時伏寒變為溫病也從春分以後至秋分節前天有暴寒者為時行寒疫也一名時行傷寒此時節候有寒傷於人非觸冒之過也若三月四月或有暴寒其時陽氣尚弱為寒所折病熱熱猶小輕也五月六月陽氣已盛為寒所折病熱則重也七月八月陽氣已衰為寒所折病熱亦小微也其病與溫及暑病相似但治有殊耳 問一歲之中長幼病狀多相似此名溫疫也四時皆有不正之氣春夏亦有寒清

時秋冬或有暄暑時人感疫癘之氣故一歲之中病無  
長少率相似者此則時行之氣俗謂之天行是也老君  
神明散務成子螢火丸敗毒散冬氣溫春氣寒夏氣冷  
秋氣熱為時氣與傷寒同而治有異者蓋因四時不正  
之氣而變更不拘以月數淺深吐下隨證施行若春應  
暖而清氣折之則責邪在肝三月四月或有暴寒其時  
陽氣尚弱為寒所折病熱猶輕升麻散解肌湯主之夏  
應暑而寒氣折之則責邪在心五月六月陽氣已盛為

寒所折病熱則重七月八月陽氣已衰為寒所折病熱亦微調中湯射干湯半夏桂枝甘草湯可選用也秋應涼而反大熱抑之則責邪在肺溫熱相薄民多病瘡黃也宜白虎加蒼朮湯煎茵陳汁調五苓散冬應寒而反大溫折之則責邪在腎其冬有非節之暖者名為冬溫此屬春時陽氣發於冬時則伏寒變為溫病宜姜蕤湯仲景云冬溫之毒與傷寒大異蓋傷寒者傷寒氣而作冬溫者感溫氣而作寒疫者暴寒折人非觸冒之過其



治法不同所施寒熱溫涼之劑亦異不可拘以日數發汗吐下隨證施行要之治熱涼以寒溫而行之治溫以清冷而行之治清寒以熱涼而行之治清以溫熱而行之以早為期不可以過此為大法也然得時行病一日在皮毛當摩膏火灸愈不解者二日在膚可法鍼服解肌散汗出愈不解者三日復發汗若大汗則愈不解者止勿復發也四日在胃服藜蘆丸微吐之愈若病固服藜蘆丸不吐者服赤小豆瓜蒂散吐之即愈視病者尚

未了了復一法針之當解不愈者六日熱已入胃乃與利湯下之愈百無不如意但當諦視節度與病耳若食不消病亦與時行病俱發熱頭痛食病當速下之時行病當待六七日下之時行病始得一日在皮二日在膚三日在肌四日在胃五日入胃乃可下也熱在胃外而下之則熱乘虛便入胃然病要當復下去之不得留於胃中也胃若實熱致此為病三死一生此輩皆多不愈胃虛熱入爛胃也其熱微者赤斑出劇者黑斑出赤出

者五死一生黑斑出者十死一生但論人有彊弱病有難易功效相倍耳病者過日不以時下之熱不得泄亦胃爛斑出矣若得病無熱但狂言煩躁不安精采言語與人不相主當者勿以火迫之但以猪苓散一方寸水和服之當以新汲冷水令強飲一升若一升半可至二升益佳以指刺喉中吐之隨手愈不即吐者此輩病多不善勿強與水水停即結心下也更當以餘藥吐之皆令相主當者不爾必危若此病不急以猪苓散吐解之

者其死殆速亦可先以去毒物及法針之尤佳 又云  
此病方家呼為傷寒有二種有陰有陽陰傷寒者反於  
陽是也陽傷寒狀表裏相應心熱則口乾苦肝熱則放  
赤暈脾熱則谷道稍澁腎熱則耳熱赤肺熱則鼻乾渴  
胃熱則嘔逆大腸熱則大便秘澁小腸熱則小便赤少  
皮膚熱則脉洪數身體熱反此者乃陰傷寒夫傷寒者  
則為寒所傷也寒主陰陰主殺凡人陰陽調則無病氣  
既為寒所傷便致斯病也 又云陰陽傷寒者則毒氣

傷陰陽氣也人身中有陰陽之氣陰陽者則寒熱也本以陰為毒所傷則不能流行陽熱獨王故天行多熱者也此病於諸病之中最為難療陰陽二病陰尤可憂耳時聞有此病而倉卒死者不少或由證候不能精審方藥未達指歸飲食乖宜寒溫失節故致爾自心不全甄別他醫難得精妙與其療也寧可任之但能滋味適寒溫將理中間冷暖守過七日此最為得計其中事須服藥不可徒然者唯多日大便不通暫須一轉洩耳又

時氣病一日太陽受病太陽為三陽首主於頭項故得病一日頭項腰脊痛 又時氣二日陽明受病陽明主於肌肉其脉絡鼻入目故病二日內熱鼻乾不得眠夫諸陽為表表始受病皮膚之間故可摩膏火灸發汗而愈 又時氣病三日少陽受病少陽脉循於脅上於頸耳故得病三日脅脅熱而耳聾也三陽經絡始相傳病未入於臟故可汗之而愈 又時氣四日太陰受病太陰為三陰之首是知三日已後諸陽受病訖即傳之於

陰而太陰受病焉其脉主於咽嗑故得病四日腹滿而  
嗑乾其病在胸膈故可吐而愈也 又云夫得病四日  
毒在胃膈故宜取吐有得病二三日便即煩滿此為毒  
氣已入或有五六日已上毒氣猶在上焦者其人有痰  
實故也所以復宜取吐也 又時氣五日少陰受病少  
陰脉貫腎絡肺係於舌本故得病五日口熱舌乾渴而  
引飲其病在腹故可下而愈 又時氣病六日厥陰受  
病厥陰脉循陰器絡於肝故得病六日煩滿而囊縮也

此為三陽三陰俱受病毒氣入於腸胃故可下而愈

又時氣病七日法當小愈所以然者陽陰諸經傳病竟故也今病不除者欲為再經病再經病者謂陰陽諸經重受病也 又時氣病八九日以上不解者或是陰陽

諸經重受於病或已發汗吐下之後毒氣未盡所以病不能除或一經受病未即相傳至于停滯累日病證不改者故皆當察其證而治之 凡病傷寒而成溫病者先夏至日者為病溫後夏至日者為病暑故曰冬三月



早卧起必待日光使志若伏若慝若有私意若已有得去寒就温無泄皮膚使氣亟奪又因於寒欲如運樞故冬傷於寒春必病温也又有冬時傷非節之暖名為冬温之毒與傷寒大異也有病温者乃天行之病耳其冬月温暖之時人感乖候之氣未即發病至春或被積寒所折毒氣不得泄至天氣暄熱温毒始發則肌肉斑爛也經曰虛邪賊風避之有時恬淡虛無真氣從之精神內守病安從來故曰人清淨則肉腠閉拒雖有大風苛

毒弗之能害又云四時陰陽者萬物之根本也是以聖人春夏養陽秋冬養陰以從其根也從陰陽則生逆之則死故曰精者身之本藏於精者春不病溫也有病溫汗出輒復熱而脉躁病不為汗衰狂言不能食病名為何曰病名陰陽交交者死人所以汗出者皆生於穀穀生於精今邪氣交爭於骨肉之間而得汗者是邪却而精勝也精勝則當能食而不復熱熱者邪氣也汗者精氣也今汗出而輒復熱者是邪勝也不能食者精氣竭

而病留者其壽可立而傾也汗出而脉尚躁盛者死今脉不與汗相應此不勝其病也其死明矣狂言者是失志也失志者死今見三死不見一生雖愈必死凡膚熱其脉盛躁者病溫也其脉盛而滑者汗且出也凡溫病人三二日身軀熱脉疾頭痛飲食如故脉直疾八日死四五日頭痛脉疾喜吐脉來細十二日死此病不療八九日脉不疾身不痛目不赤色不變而反利脉來牒牒按不彈手指時時大心下硬十七日死病三四日已下

不得汗脉大疾者生脉細小難得者死不療也下利腹  
中痛甚者死不療也凡熱病新差及大病之後食猪肉  
及腸血肥魚油膩等必大下痢不能療也必至於死若  
食餅餌菜黍飴脯鱠炙棗栗諸果及堅實難消之物胃  
氣尚虛弱不能消化必更結熱適以藥下之則胃中虛  
冷必大利難禁不下必死下之必危皆難救也熱病之  
後多坐此死不可不慎也病新差但得食糜弱寧可少  
食令飢慎勿飽不得他有所食雖思之勿與計日轉久

可漸食羊肉糜若羹汁兔雉鹿肉慎不可食猪犬肉也  
新差後當靜卧慎勿令人梳頭洗面非但體勞亦不可  
多言語用心使意勞凡此皆令勞復故督郵顧子獻得  
病已差未健詣華敷視脉敷曰雖差尚虛未復陽氣不  
足勿為勞事餘勞尚可御內即死臨死當吐舌數寸其  
妻聞其夫病除從百餘里省之宿交接中間三日發舌  
出數寸而死病新差未經百日未得氣平復而行房室  
大略無不死者蓋正疾愈後六十日已能行射獵行房

室則吐涎而死凡熱病房室名為陰陽易之病皆難療  
多死近者有士大夫小得傷寒發汗已十餘日能乘馬  
行來自為平復故以房室則小腹急痛手足拘拳而死  
深師說天行病未復強食黃花菜手足稍重一方云青  
花天行病差食鷄魚必變成疰又食鷄魚肉結氣不化  
天行病差飲酒合陰陽復必死天行病差未滿三月食  
鱸鮓肉則復下血食鹽豉令人四支不舉天行病差食  
諸菜有花者三年肌膚不充天行病未好食生瓜芥菜

三月浮腫也天行病差食菜合陰陽復必死千金天行  
病差後未滿五日食一切肉麪者病更發困天行病差  
食芥鯁發病天行病差新起飲酒及食韭菜病更發天  
行病差食生魚作下利必不止天行病食生菜顏色絕  
身不平復天行病新汗解飲冷水者損心包令人虛不  
復天行病未復食犬肉并葫以合食之復則死天行病  
差食生棗及羊肉者腸腹作熱蒸天行病新差食犬肉  
食羊肉作骨中蒸熱天行病差食魚肉并爪生菜者令

人身腫天行病食蒜者病發大困 問曰傷寒溫病何以辨脉答曰溫病冬傷於寒所得也至變為溫病傷寒汗下不愈而過經其證尚在而不除者亦溫病也經曰溫病之脉行在諸經不知何經之動隨其經所在而取之如太陽證汗下後過經不愈診得尺寸俱浮者太陽溫病也如身熱目疼汗下後過經不愈診得尺寸俱長者陽明溫病也如胸脇痛汗下後過經不愈診得尺寸俱弦少陽溫病也如腹滿噎乾診得尺寸俱沈細過經不愈者太陰溫病



也如口燥舌乾而渴診得尺寸俱沈過經不愈者少陽  
溫病也如煩惋囊縮診得尺寸俱微緩過經不愈者厥  
陰溫病也是故隨其經而取之隨其證而治之如發斑  
乃溫毒也 又云黃帝曰傷寒熱病死候有九 太素云不可刺

者一曰汗不出大熱發噦者死

太素云汗不出大熱發噦者死

二曰泄

而腹滿甚者死

甚一作黃

三曰目不明熱不已者死四曰老

人嬰兒熱病腹滿者死五曰汗不出嘔下血者死六曰

舌本爛熱不已者死七曰欬而衄汗不出出不至足者

死八曰體熱者死九曰熱而瘕者死熱病瘕者腰反折  
瘕瘕齒噤齧也熱病七八日脉微小病者便血口中乾  
一日半而死脉代者一日死熱病七八日脉不躁不數  
後三日有汗三日不汗四日死熱病已得汗而脉尚躁  
盛此陰脉之極也死其得汗而脉靜者生熱病脉常盛  
躁而不得汗者此陽脉之極也死脉盛躁得汗者生  
疫癘傳染老幼皆相似調治一也寸虛弱尺弦緊或肝  
脉濡細是雖責邪四時然發汗吐下條例通行故曰

明知順逆正治從治不外陰陽表裏條例通行固也然其毒癘之氣蘊畜于中亦隨其溫涼權其輕重而利導之庶毒有所泄則易為力也病源云挾毒癘之氣狀熱煩毒發為心腹脹滿若不治春感清邪在肝升麻葛根湯解肌湯夏感寒邪在心調中湯射干湯半夏桂枝甘草湯秋感熱邪在肺白虎加蒼朮湯發黃瘧茵陳調五苓散冬感溫邪在腎亦名冬溫萎蕤湯土無正行因火而名當隨經取之此大槩然耳寒證者聖散子螢火

凡神明散可選用聖散子內用木附豆寇良羌只可施  
之寒濕毋惑於通用之說 凡溫病可針刺五十九穴  
又身之穴六百五十有五其三十六穴灸之有害七十  
九穴刺之有災

時氣一日論

夫時氣一日太陽受病太陽為三陽之首而主於頭項  
故得病一日頭項腰脊皆痛也

方

解肌散

出聖惠方

治時氣一日頭痛壯熱四肢煩疼

麻黃

一兩去根節

川升麻

一兩

石膏

一兩

甘草

半兩炙赤微剉

赤芍藥

一兩

貝齒

三枚

杏仁

一兩湯浸去皮尖雙仁麩炒微黃

右搗粗羅為散每服五錢以水一大盞入生薑半分

棗三枚煎至五分去滓不計時候熱服衣覆取汗

便食豉粥補虛

桂枝散

出聖惠方

治時氣一日頭痛壯熱骨節疼痛

桂枝 黃芩

麻黃

去根節  
各三分

石膏

一兩

右為散每服五錢以水一大盞入生薑半分棗三枚煎至六分去滓不計時候熱服衣覆取汗

解表石膏散

出聖惠方

治時氣一日頭項腰脊痛惡寒

石膏

二兩

豉

二合

葛根

二兩

白朮

二兩

桂心

一兩

麻黃

一兩去根節

白芷

芍藥

當歸

微炒剉  
各一兩

右為散每服五錢以水一大盞入生薑半分棗三枚

煎至五分去滓不計時候熱服衣覆取汗

葛根散

出聖惠方

治時氣一日壯熱心神煩躁頭痛四肢

不利

葛根

剉

赤芍藥

麻黃

去根節

黃芩

石膏

各一兩

大青

甘草

各半兩炙微赤剉

右為散每服五錢以水一大盞入生薑半分棗三枚

煎至五分去滓不計時候熱服衣覆取汗

治時氣一日頭痛壯熱方

出聖惠方

取生葛根淨洗搗取汁一大盞內豉一合煎至六分去豉不計時候分為二服有汗即差未得汗即任服若心中熱加梔子仁十枚內葛根汁中同煎去滓服之

治時氣一日初覺便宜發汗方

出聖惠方

用麻黃二兩去根節以水三大盞煮麻黃去沫取汁一盞半去滓後入米一匙豉汁二合煮為稀粥不計



時候頓服衣履取汗

法

導引法 云清旦初起以左右手交互從頭上挽兩耳  
牽又引鬢髮即流通令頭不白耳不聾又摩手掌令  
熱以摩面從上下二七止去脚氣令面有光又摩手  
令熱從體上下名曰乾浴令人勝風寒時氣寒熱頭  
痛百病皆愈

時氣二日論

金匱要略卷之八  
卷一百四十八  
夫時氣二日陽明受病陽明主於肌肉其脉絡於鼻入於目故得病二日內熱鼻乾不得眠也夫諸陽在表表始受病故可摩膏火灸發汗而愈也

方

水解散

出聖惠方

治時氣二日頭痛壯熱心躁

麻黃

去根節用二兩

川大黃

剉碎微炒

黃芩

桂心

甘草

炙微赤剉

赤芍藥

各一兩

右為散每服不計時候以溫水調下二錢良久再服  
未服藥前先以熱湯淋浴後便服此藥衣蓋取汗重  
者不過三服強實人服二方寸匕此調風實之人三  
伏中宜用之若去大黃即春夏用之

治時氣二日壯熱頭痛宜服此方

出聖惠方

甘草

一兩炙微赤剉

生薑

三分

詭蘆

一類大者取瓢去子于碗內盛之

右先將生薑甘草用無灰酒一大盞煎取六分去滓  
熱入詭蘆碗中絞取汁不計時候分溫二服

柴胡散

出聖惠方

治時氣二日壯熱增寒頭痛腰脊強重

柴胡

去苗

麻黃

去根節各一兩

葛根

三分剉

桂心

二分

甘草

一分炙微赤剉

右為散每服四錢以水一中盞入豉五十粒薄荷二

七葉煎至六分去滓不計時候先喫粥少許後以熱

水淋浴然後服此藥衣覆取汗

梔子散

出聖惠方

治時氣二日頭痛背強身熱惡寒

梔子仁

黃芩

各一兩

石膏

二兩

葛根

剉一兩

杏仁

湯浸去皮尖雙仁  
麩炒微黃用一兩

甘草

半兩炙  
微赤剉

右為散每服五錢以水一大盞入葱白二莖豉五十粒煎至五分去滓不計時候熱服衣覆取汗

葛根散

出聖惠方

治時氣二日頭背痛強心煩壯熱

葛根

剉

麻黃

去根節

犀角屑

各一兩

右為散每服五錢以水一大盞入生薑半分棗三枚煎至五分去滓不計時候熱服衣覆取汗

三物湯

治天行病經一二日覺身體壯熱頭痛骨肉

酸楚背脊強口鼻乾手足微冷小便黃赤此是其候若  
如此宜先合煮桃柳葛湯浴之

桃枝

細切  
五斗

柳葉

細切  
五斗

酢醬水

一斗

右先以水一石煮桃枝柳葉二物取七斗汁去滓內  
醋醬水覺帶熱以浴浴訖拭身體令乾以粉摩之勿  
觸風則於密處刺頭眼後兩邊及舌下血斷以鹽末  
厭刺處則入被卧

又後服解肌乾葛等五物飲微覆取汗如病根輕者因

此或歇

葛根

切五合

葱白

切一升

生薑

切二合

豉心

一升綿裹

粳米

二合研碎

右切以水五升煮取汁豉心以上四味取三升半汁去滓內粳米屑煮令米爛帶熱頓啜候盡微覆取汗無所忌

又依前浴等法不覺歇宜更作鷄子湯重洩之

新穀鷄子

五枚

各破頭瀉置一盞中別加一鷄子水以筋攪令極渾  
別用水一升煮極沸則投鷄子於湯中微攪纔似熱  
則瀉置碗中內少醬清以變腥氣帶熱啜令盡覆使  
汗出

又依前鷄子湯出汗汗洩當歇如不覺退合梔子等六  
味散以下之

梔子

三十枚

乾葛

五兩

茵陳

二兩

蜀升麻

三兩

大黃

五兩

芒硝

五兩



右切合搗為散以飲服三方寸匕服之須臾當覺轉則利也如經一兩食頃不利且以熱飲投又不利即須更服一方寸匕還以飲投得利為度後適寒溫將息無須服此也

又依前梔子等六味散取利復不覺退加嘔逆食不下口鼻喉舌乾燥宜合生蘆根八味飲子細細服之

生蘆根

切一升

生薑

五兩

人參

二兩

知母

二兩

生麥冬

二升去心

烏梅

十顆

白蜜

一合

竹瀝

三合

右切以水八升煮取三升去滓內蜜瀝等攪調細細  
飲不限遍數冷暖亦不限食前後服此飲子雖不能  
頓除熱病然於諸症不覺有加體氣安穩心復不冷  
意又欲得此飲任重合但依前服之如熱勢不退心  
腹妨滿飲食漸少心上痞結則不可重服之

又依前生蘆根等八味飲子飲之諸狀不歇漸不下食  
心腹結破不得手近有時觸着痛不可忍既是熱病  
體氣合熱骨肉疼痛脉合洪數口合苦乾食合嘔逆

體氣反涼脉反沈細飯食反下不知痛惱大小便秘  
塞心上如石痛不可近視唇急鼻張手眼尋繹狂言  
妄語此由熱極將思酷冷飲食寢味唯冷是求熱結  
在心無因通洩如有此者十不救二三更不可以常  
途守之當須作成敗計耳此非半夏等十味湯無奈  
之何其中有諸狀與此無別但加身體黃眼白睛色  
如黃蘗此是急黃如有亦不可守常法還宜合後湯  
救之

半夏

五兩熊州者湯洗滑汁盪

乾薑

三兩

吳茱萸

二兩

大黃

五兩

桂心

二兩

白朮

細辛

柴胡

牡丹皮

各三兩

芒硝

二兩

右切以水一斗煮取三升去滓內芒硝攪令消盡分溫三服每服人行十里久若服一服利後須要伺候將息勿更進湯藥但研好粟米作汁飲細細與之如下利傷多可以酢飯止稠酢醬粥亦得忌羊肉餛生葱生菜桃李雀肉胡荽等

又依前成敗計服半夏等十味湯後雖得毒熱勢退利過不休體力漸弱宜合人參等五味散細細服之

人參

五兩

生犀角

末二兩

烏梅肉

三兩  
熬

生薑屑

三兩

黃連

二兩去毛無亦可  
以龍骨四兩代之

右為散以飲服一方寸匕日三服稍加至二匕忌猪

肉冷水等物

水解散 治時行頭痛壯熱一二日

桂心

甘草

大黃

各三兩

麻黃

四兩

右為散患者以生熟湯浴訖以暖水服之方寸匕日服覆取汗或利便差丁強人服二方寸匕延年秘錄有黃芩芍藥各二兩古今錄驗無甘草有芍藥治天行熱病生庖瘡疼痛解肌出汗

柴胡湯 治時行疫癘一二日頭痛壯熱

柴胡

去苗

芍藥

各一兩

梔子仁

黃芩

去黑心各半兩

石膏

碎

葛根

剉各一兩

右為散每服五錢以水一盞半葱白三寸豉三十粒

煎至七分去滓不計時候溫服

麻黃解肌湯 治時行疫癘一二日頭痛壯熱煩躁

麻黃

去根節

升麻

甘草

炙

芍藥

石膏

碎各一兩

貝齒

燒一分

杏仁

去皮尖雙仁炒研半兩

右為散每服五錢水一盞半煎至一盞去滓不計時候溫服即覆取汗愈便食豉粥補虛

治傷寒時氣溫疫疼痛壯熱脉盛始得一二日者方

用丹砂一兩為末以水一斗煮取一升頓服之覆

取汗

治若得時氣冷熱不調發作者皆是寒熱所致其狀似  
瘧久久不療損人性命縱服湯藥必然難瘥宜作生  
熟湯浴之

用大器盛湯中坐勿動須臾百節開寒熱之氣從毛  
孔中出變作流汗若心中熱悶者還服少許熱湯即  
定久乃出湯以衣被覆蓋睡豁然平復如患大重者  
不過三兩度即瘥



治天行一二日

用麻黃一大兩去節以水四升煮去沫取二升去滓  
則著米一匙及豉為稀粥取強一升先作生熟湯浴  
淋頭百餘碗然後服前粥服後覆取汗於夜最佳

八神湯 治時氣一二日頭痛壯熱心神煩悶

當歸

焙切

甘草

大黃

剉炒

白朮

山梔子仁

各半兩

麻黃

去根節煎掠  
去沫焙一兩

芍藥

荊芥穗

各一分

右搗麝篩每服三錢匕水一盞入薄荷三葉葱白一寸生薑二片同煎至六分去滓熱服

梔子湯 治天行一二日頭痛壯熱心中熱者

梔子

黃芩

各三兩

豉

欸綿裹

葱

切各一升

石膏

碎綿裹

葛根

切各四兩

右切以水七升煮取二升六合去滓分溫三服如人行八九里時再服忌麪酒生冷等物

時氣三日論

夫時氣病三日少陽受病少陽脉循於脇上於頸耳故  
得病三日胃脇熱而耳聾也三陽經絡始相傳病未入  
於臟故可汗而愈

方

柴胡散 治時氣三日頭痛壯熱心神煩壅胃膈不利

柴胡

去苗  
炙

人參

去蘆  
頭

犀角屑

黃芩

麥冬

去心各  
一兩

甘草

炙微  
赤剉

半夏

湯洗七遍去  
滑各半兩

右為散每服五錢以水一大盞入生薑半分棗三枚煎至五分去滓不計時候溫服

葛根散

出聖惠方

治時氣三日頭痛壯熱

葛根

剉

麻黃

去根節各一兩半

赤芍藥

黃芩

桂心

甘草

炙微赤剉

石膏

二兩

杏仁

湯浸去皮尖雙仁麩炒微黃各一兩

右為散每服五錢以水一大盞入生薑半分棗三枚煎至五分去滓不計時候熱服衣覆取汗

解肌麻黃散

出聖惠方

治時氣三日表不解熱毒相傳或

嘔或嗽

麻黃

去根節

赤芍藥

各一兩

桂心

甘草

炙微赤剉

細辛

各半兩

杏仁

三分湯浸去皮尖雙仁麩炒微黃

右為散每服四錢以水一中碗煎至六分去滓不計

時候熱服衣覆取汗

龜甲散

出聖惠方

治時氣三日未解四肢疼痛心膈煩熱

龜甲

塗醋炙微黃去裙襖

麻黃

去根節

赤芍藥

桂心

甘草

炙微赤剉

葛根

剉

枳殼

麩炒微黃去瓢

厚朴

去麁皮塗生薑汁炙令香熟各一兩

右為散每服五錢以水一中盞入豉五十粒煎至五

分去滓不計時候熱服續以葱粥投之汗出便愈若

未汗再服

大黃散

出聖惠方

治時氣三日頭痛煩熱

川大黃

剉碎微炒

秦艽

去苗

桂心

柴胡

去苗各一兩

石膏

二兩

甘草

半兩炙微赤剉

右為散每服四錢以水一中盞入生薑半分煎至六分去滓不計時候溫服

又方

以皂莢燒作灰研羅為散每服不計時候以新汲水一中盞生薑汁蜜各少許相和調兩錢服之先用暖水淋浴後服此藥須臾汗出愈

柴胡散 治時氣一日至三日頭痛壯熱心神煩悶

柴胡

去苗

石膏

碎

麻黃

去根節煎掠去沫焙各一兩

右麤搗篩每服三錢匕水一盞入豉三十粒葱白二寸同煎六分去滓熱服併三服汗出効不計時候

朮豉湯 治天行時疫三二日內未經汗下

蒼朮

炒五兩

豉

炒三兩半

麻黃

去根節二兩

右麤搗篩每服三錢匕水一大盞煎至七分去滓熱服蓋覆出汗未汗再服

人參湯

出王氏博濟方

治時行三日渾身疼痛壯熱不解

人參

赤茯苓

去黑

白朮

甘草

劉各一兩



麻黃

去根節煎掠去沫焙一兩半

右麤搗篩每服三錢匕水一盞入葱白鹽豉各少許

同煎至六分去滓溫服

解肌湯

出永類鈴方

治天行病二三日頭痛壯熱者

乾葛

四兩

麻黃

三兩去節

芍藥

黃芩

各二兩

甘草

炙

桂心

各一兩一作桂枝

大棗

十二枚擘

右切以水八升煮取二升半去滓分三服得汗愈忌

海藻松菜生葱等三四日脉不浮者宜重服發汗脉

沈實者宜下之

葛根湯 治時氣二三日不解頭痛壯熱惡寒

葛根

剉一兩

麻黃

去根節煎掠去沫焙二兩

甘草

炙剉

陳皮

湯浸去白焙

杏仁

湯浸去皮尖雙仁麩炒

知母

焙

黃芩

去黑心各一兩

右麤搗篩每服三錢匕水一盞生薑二片同煎至七

分去滓溫服一名葛根橘皮湯無生薑煎法同

治疫氣傷寒二日已前不解者

方見本門頭痛類鼓尿湯三味同

時氣四日論

夫時氣病四日太陰受病太陰為三陰之首三日以後諸陽受病訖即傳之於陰太陰之脉主於咽喉故得病四日腹滿咽乾其病在胃膈故可吐而愈也

方

苦參湯

出聖惠方

治時氣四日身體壯熱四肢疼痛胃膈

滿心煩

苦參

一兩剉

烏梅

七顆搥碎

鷄子

一枚取清

右二味先以醎醋一大盞煮至五分去滓下鷄子清

攪令勻不計時候溫溫去沫服之當吐出熱氣即愈

桃柳心湯

出聖惠方

治時氣四日胃中痰壅增寒壯熱頭

痛

桃心

一握

柳心

一握

甘草

三分生用剉

烏梅

五顆搥碎

梔子仁

三分

右以淡醬水一大盞煎六分去滓不計時候溫服良

久當吐未吐再服

治時氣四日胃膈煩滿壯熱身體熱宜吐之亦治天行

病四五日

出聖  
惠方

用苦參一兩剉以醋二大盞煎至五分去滓不計時

候溫服良久當吐即愈天行毒病非苦參醋藥不解

及溫覆取汗愈

葛根散

出聖  
惠方

治時氣四日胃膈滿悶或時吐逆

葛根

一兩  
剉

甘草

一分炙  
微赤剉

川大黃

半兩碎  
剉微炒

麥門冬

一兩  
去心

人參

一兩  
去  
蘆頭

右為散每服四錢以水一中盞煎至六分去滓不計

時候溫服

犀角散

出聖  
惠方

治時氣四日曾經發汗不解寒熱無恒

心中躁悶

犀角屑

柴胡

去苗各  
一兩

麻黃

去根  
節

桂心

川升麻

枳殼

麩炒微  
黃去瓢

木通

剉

葛根

剉

黃芩

桃仁

湯浸去皮尖雙  
仁麩炒微黃

甘草

炙微赤剉  
各半兩

右為散每服五錢用水一盞煎至五分去滓不計時

候溫服

知母散

出聖惠方

治時氣四日熱渴不已往來寒熱不能

飲食

知母

枳實

麩炒微黃

柴胡

去苗

梔子仁

麥門冬

去心

地骨皮

各一兩

甘草

半兩炙剉微赤

右為散每服五錢以水一大盞煎至五分去滓不計

時候溫服

八毒大黃丸 治天行病三四日身熱目赤四肢不舉  
產後傷寒舌黃白狂言妄語亦療溫病以後飛尸遁  
屋腹痛膈上下不通癖飲積聚癰腫苦痛服中摩痛  
止諸毒病

藜蘆

二分

大黃

三分

硃砂

五分

蜀椒

巴豆

去皮  
熬

雄黃

研

桂心

各四分

右搗篩蜜和為丸如麻子大每服三丸當下不差更  
服合時勿令婦人鷄犬見之忌生葱野猪肉蘆笋狸



肉生血物

黃連龍骨湯

治時行病數四日而大下熱痢時作白

通諸藥多不得止吾思舊方多療傷寒後下痢耳未  
有尚在數日便兼除熱止下者也四順湯熱白通若  
溫故吾思作此湯以救數十人兼主傷寒

黃連

止痢  
除熱

黃蘗

止利除熱  
各三兩

熟艾

如鷄子一枚  
除熱止利

龍骨

二兩止  
利除熱

右切以水六升煮取二升半分三服無不斷者忌猪

肉冷水

解肌升麻湯

出千金方

治時氣三四日不解

芍藥 升麻 石膏 麻黃

甘草

各一兩

貝齒

三枚一作貝母十八銖

杏仁

三十枚

右㕮咀以水三升煮取一升盡服溫覆發汗便愈

時氣五日論

夫時氣五日少陰受病少陰脉貫腎絡肺係於舌本故

得病五日口熱舌乾渴而欲飲其病在腸故可下而愈也

方

大黃飲子

出聖惠方

治時氣五日大熱三部脉悉洪數者

可下之

川大黃

剉碎微炒

川朴硝

各一兩半

黃芩

一兩

枳殼

麩炒微黃去瓢

甘草

炙微赤剉各半兩

梔子

三分

右細剉和勻每服半兩以水一大盞煎至五分去滓

不計時候溫服

柴胡散

出聖惠方

治時氣五日熱毒不除心神煩悶大小

腸秘澀或時頭痛

柴胡

去苗

枳殼

麩炒微黃去瓤

梔子仁

黃芩

石膏

大青

川芒硝

川大黃

劉碎炒微黃各二兩

麥門冬

一兩半去心炒

甘草

半兩炙微赤剉

右為散每服五錢以水一中盞煎至五分去滓不計

時候溫服

黃芩散

出聖惠方

治時氣五日心腹壅悶骨節疼痛背膊

煩熱不下飲食

黃芩

梔子仁

犀角屑

赤芍藥

柴胡

去苗

枳殼

麩炒微黃

檳榔

各一兩

右為散每服五錢以水一中盞煎至五分去滓不計

時候溫服

竹茹飲子

出聖惠方

治時氣五日頭痛壯熱食則嘔逆

竹茹

人參

去蘆

蘆根

黃芩

梔子仁

各半兩

右為細剉和勻每服半兩以水一大盞入生薑半分煎至五分去滓不計時候溫服

承氣湯 治時氣五日胃中壅悶或時譫語為腸中有結燥宜服

川大黃

碎剉微炒

川朴硝

各一兩

枳實

麩炒微黃

厚朴

去粗皮塗生薑汁炙令香熟各半兩

右為散每服四錢用水一中盞煎至六分去滓不計時候溫服以利為度

消毒散 治時氣五日未解壯熱心神煩躁

大青

梔子仁

葛根

剉

川朴硝

各一兩

右為散每服五錢用水一大盞入豉五十粒煎至五分去滓下地黃汁半合更煎三兩沸不計時候溫服  
理中丸 治時行四五日大下後或不下皆患心中結

滿兩脇痞塞胸中氣急厥逆欲絕心起高胸手不得近不過二三日輒便死歿諸醫用瀉心湯余用大小陷胸湯病不得療重思此或是下後虛逆而氣已不

理而毒復上攻毒氣相傳結於胸中縱不下者毒已入胃胃中不通毒還衝上復搏於氣氣毒相激故致此病療之當先理其氣次下諸疾思與增損

人參 白朮 甘草 茯苓 牡蠣

煑

加括樓根

各二兩

乾薑

六分炮

枳實

四枚

右為末以蜜和為丸服如彈子一丸熟水下不歇復服余時用此效的神速下喉即拆續復與之不過五六丸胸中豁然矣用藥之效未嘗見此然渴者當加括



薑不渴除之下者當加牡蠣不下勿用余因以告領  
軍韓康伯右衛毛仲祖光祿王道預靈臺郎顧君苗  
著作商仲堪諸人併悉用之歎其應速于時枳實乃為  
之貴難者曰傷寒熱病理中溫藥今不解之以冷而  
救之以溫其可論乎余應之曰夫今診時行始于項  
強赤色次於失眠發熱中於煩躁思水終於生瘡下  
利大意如此耳忌海藻菰菜酢物桃李雀肉等

牽馬丸 治天行病四五日下部生瘡醫所不能療者

附子

一枚炮

藜蘆

炙

桂心

巴豆

去皮心熬各一兩

右搗篩研巴豆如膏和散蜜丸如梧桐子大空腹服

二丸熱在膈上下飲半升熱飲投吐之後下下部瘡

自差神良病家嘗牽馬買藥因名牽馬丸老小半之

以意消息之忌野猪肉生葱狸肉蘆笋等物

知母湯 治欲似天行四五日熱歇後時來時往惡寒

微熱不能食者

知母

二兩

枳實

炙

梔子仁

各三兩

豉

一升熱別裹

右切以水六升煮取二升半去滓分溫三服如人行七八里一服忌蒜麪

竹茹飲 治天行五日頭痛壯熱食則嘔者

竹茹

黃芩

梔子仁

各二兩

生薑

三兩

右切以水五升煮取一升六合去滓分溫三服忌蒜熱麪等五日

瓜蒂散

治天行病不即療經四五日渴飲引心上急

強手不得近又不得眠荒亂此則是黃不必得發出黃始服藥凡是心強氣急眠卧服此湯吐即瘥

瓜蒂

按量一合焚令似黃物勿令焦

小豆

一合小弱量用

右為散凡有病如前候及天行病得四五日不歇皆宜服此方以漿水飲五合和散一錢匕服之二食久必吐更與半錢匕服吐畢即瘥中男以上量以意斟酌服之

時氣六日論

夫時氣六日厥陰受病厥陰脉循陰絡於肝故得病六日煩躁而陰縮也此為三陰三陽俱受病毒氣入於腸胃故可下而愈也

方

柴胡散 治時氣六日壯熱骨節煩疼頭痛目眩心脇氣脹急硬不能飲食恐變為黃

柴胡

去苗

枳實

麩炒微黃

蘇蘇根

黃芩

梔子仁

茵陳

川大黃

剉碎微炒

白鮮皮

甘草

炙微赤剉  
各一兩

右為散每服五錢以水一大盞煎至五分不計時候

溫服去滓

白鮮皮散

治時氣六日熱毒不退心胸煩躁大小腸

秘澁不得眠卧

白鮮皮

黃芩

大青

麥門冬

去心

梔子仁

甘草

炙微赤  
剉各一兩

柴胡

去苗  
一兩

羚羊角屑

半兩

川大黃

二兩剉  
碎微炒

右為散每服五錢以水一大盞煎至五分去滓不計

時候溫服

羚羊角散

出聖惠方

治時氣六日煩躁頭痛小便赤澀壅

熱不退

羚羊角屑

三分

川升麻

秦艽

去苗

木通

剉各三分

麥門冬

去心焙二兩

白蘚皮

黃芩

各三分

檳榔

川大黃

剉碎微炒各一兩

甘草

炙微赤剉半兩

右為散每服五錢以水一大盞煎至五分去滓不計

時候溫服

大青散

出聖惠方

治時氣六日頭痛壯熱心神煩亂積熱

不散或狂走不定

大青

秦艽

去苗各一兩

藍葉

川升麻

茵陳

各三分

蘇蘇根

一兩

川芒硝

一兩半

梔子仁

半兩

甘草

半兩炙微赤剉

右為散每服三錢以水一中盞煎至五分去滓入竹

瀝半合不計時候溫服



人參飲子

出聖惠方

治時氣六日心胃結硬嘔不下飲食

人參

一兩去蘆頭剉

生薑汁

蜜

各一合

川芒硝一分

右以水一大盞先煎人參取汁五分去滓下鷄子清

一枚及芒硝薑汁蜜攪令勻不計時候溫服二服

黃芩湯

治天行五六日頭痛骨節疼痛腰痛兼痢

黃芩

梔子仁

芍藥

各三分

豉

一升綿裹

右以水六升煮取二升半去滓分三服忌蒜熱麪等

五日

柴胡湯 治天行五六日壯熱骨節煩疼兼兩脇連心

肋下脹急硬痛不能食恐變發黃者

柴胡 枳實 炙 枳殼 黃芩 梔子仁

茵陳 大黃 切各三兩 龍膽 二兩

右切以水九升煮取二升七合去滓分溫三服忌熱

麴蒜

大黃湯 出時後方 治天行若已五六日不解頭痛壯熱四

肢煩疼不得飲食

大黃

黃連

去毛

黃蘗

梔子

擘各半兩

右切以水八升煮取六七沸內豉一升葱白七莖煮

取三升分三服此許推然方神良又療傷寒已五六

日頭痛壯熱四肢煩痛取汗不宜老小忌猪肉冷水

苦參湯

出肘後方

治天行熱病五六日以上宜服

苦參

三兩

黃芩

二兩

生地黃

八兩

右切以水八升煎至二升去滓溫服半升日再忌蕪荑

黑奴丸

出危氏方

治時行熱病六七日未得汗脉洪大或

數面赤目張身體大熱煩躁狂言欲走渴甚又五六日  
以上不解熱在胃中口噤不能言心下尚暖灌藥下

咽即活兼治陽毒及發斑

麥奴

小麥未熟時叢中有不成者  
上有表勃刮取即麥奴也西

大黃

二兩

麻黃

去根節煎掠去  
沫焙乾三兩

釜底煤

研

黃芩

去黑  
心

芒硝

竈突煤

研

梁上塵

各一  
兩

右為細末鍊蜜丸如彈子大每服一九新汲水研下  
渴者但與冷水盡量飲之須臾當寒寒過汗出即差

若日移五尺不汗再服一九差即止須微利此藥須  
病人大渴倍常燥盛者方可與之不爾不可與一方  
無黃芩

苦參吐毒熱湯 治天行五日不歇未至七日皮肉毒  
熱四肢疼痛

方見本門時氣四日類苦參湯同

時氣七日論

夫時氣病七日法當小愈所以然者陰陽諸經傳病終

故也今病不除者欲為再經病也再經病謂經絡重受病也

方

羚羊角散

出聖惠方

治時氣七日心神恍惚煩躁壯熱不

得眠卧

羚羊角屑

旋覆花

枳殼

麩炒微黃去瓢

前胡

去蘆頭

川升麻

玄參

黃芩

赤芍藥

地骨皮

各半兩

茯神

三分

麥門冬

去心焙

甘草

半兩炙微赤剉

右為散每服三錢以水一中盞煎至六分去滓不計

時候溫服

麥門冬散

出聖惠方

治時氣七日有熱結在內雖得汗不

解腹滿煩躁譫語宜服

麥門冬

三兩去心

川升麻

川大黃

剉碎微焙

地骨皮

黃芩

前胡

去蘆頭

赤茯苓

各一兩

陳橘皮

湯浸去白瓢焙

枳殼

麩炒微黃去瓢各一兩

右為散每服五錢以水一大盞煎至五分去滓不計

時候溫服

大黃散

出聖惠方

治時氣七日往來寒熱胸脇逆滿大腸

秘塞

川大黃

劉碎微炒

甘草

炙微赤劉

川芒硝

桂心

桃仁

湯浸去皮尖雙仁麤微炒

麻黃

去根節各一兩

右為散每服四錢以水一中盞入生薑半分煎至六

分去滓不計時候溫服以利為度



羚羊角散

出聖惠方

治時氣七日心神煩熱胸膈不利目

赤不得睡卧

羚羊角屑

黃芩

梔子仁

黃連

去鬚

川升麻

枳殼

麩炒微黃去瓢各一兩

右為末煉蜜和丸如梧桐子大每服不計時候以竹

葉湯下二十丸

生地黃湯

治天行七日至二七日臟腑陰陽毒氣天

行病欲歇未歇或因食飲勞復心下脹滿煩熱

生地黃

升切一

黃芩

芒硝

麻黃

桂心

甘草

炙各二兩

竹葉

洗切

香豉

綿裹

薄荷

各一升

尖鼠屎

三七枚

乾葛

一兩

石膏

八兩碎綿裹

右切以水九升煮取三升去滓下芒硝分三服忌蕪  
薹海藻菰菜生葱等

菖蒲飲子 治傷寒時氣瘟疫及山嵐瘴癘不問陰陽

二證七日內外皆可服病在上則吐在表則汗在下

則泄其病則解往年荆湖制府合此藥散施

石菖蒲

去毛

川芎

甘草

藁本

桑白皮

乾葛

木猪苓

北柴胡

各等分

右為散每服五錢水一大盞加連鬚葱頭三個煎至七分如人行五里久再煎服

鼈甲湯

治天行病經七日以上熱勢彌固大便澁秘

心腹痞滿食飲不下精神昏亂恍惚狂言浪語脉沈細諸狀之症一無可救

鼈甲

炙

細辛

桂心

白朮

吳茱萸

白鮮皮

枳實

炙

茵陳

各二兩

生薑

四兩

附子

一兩半焙

大黃

右切以水七升煮取二升六合去滓分三服如人行五里進一服忌生葱生菜菹菜猪肉桃李雀肉等

時氣八九日論

夫時氣病八九日以上不解者或是諸經絡重感之病

或已發汗吐下之後毒氣未盡所以病不能除或一經受病未便相傳致使停滯累日病證不改皆當察其證候而治之也

方

前胡散

出聖惠方

治時氣八九日不解心腹堅滿身體疼

痛内外有熱煩嘔不安

前胡

一兩去蘆頭

半夏

一兩湯洗七遍去滑

黃芩

三分

麥門冬

一兩去心

枳殼

三分麩炒微黃去瓢

赤芍藥

三分

右為散每服五錢以水一大盞入生薑半分竹茹一分煎至五分去滓不計時候溫服

治時氣八九日煩躁壅悶喘麤方

出聖惠方

桔梗

一兩去蘆頭

甘草

三分炙微赤剉

麻黃

一兩去根節

黃芩

三分

麥門冬

一兩去心

杏仁

一兩湯泡去皮尖雙仁麤炒微黃

右為散每服五錢以水一大盞煎至五分去滓不計時候溫服

柴胡散

出聖惠方

治時氣八九日骨熱四肢煩疼背膊勞

悶手足無力不能飲食

柴胡

一兩  
去苗

黃耆

一兩  
剉

赤茯苓

三分

秦艽

半兩  
去苗

地骨皮

半兩

黃連

三分  
去鬚

葛根

半兩  
剉

枳殼

半兩  
麩炒  
微黃去瓢

甘草

川大黃

三分  
剉  
碎微炒

鼈甲

一兩半  
塗醋  
炙黃去棉爛

右為散每服五錢以水一大盞煎至五分去滓不計

時候溫服

鼈甲散

出聖  
惠方

治時氣八九日肢節疼痛熱毒不止作

寒乍熱乍劇乍輕發動如瘡

鼈甲

二兩 塗醋炙  
微黃去棗爛

知母

烏梅肉

微炒

黃芩

柴胡

去苗

地骨皮

赤芍藥

怕山

牛膝

去苗各  
一兩

甘草

半兩炙  
微赤剉

右為散每服五錢以水一中盞煎至五分去滓不計

時候溫服

黑奴丸

出聖  
惠方

治時氣八九日以後口乾狂語唯飲冷

水



麻黃

去根節

川大黃

劉碎微炒

川朴硝

梁上塵

竈突墨

釜底墨

小麥

炒令黃色一兩

右為散煉蜜和丸如彈子大每服不計時候以新汲水研下一丸服後更與新汲水任意飲之汗出為效

### 時氣頭痛論

夫時氣三陽受病猶在於表邪毒之氣攻注於外循於風府而入於腦故令壯熱頭痛胃膈壅滯其脉浮數者

可發汗及吐即愈也

方

葛根散

出聖惠方

治時氣頭痛壯熱

葛根

一兩

石膏

二兩

梔子仁

柴胡

去苗

赤芍藥

各一兩

甘草

半兩炙微赤剉

右為散每服五錢以水一大盞入淡竹葉二七片煎至五分去滓不計時候溫服聖濟總錄用生薑一片棗一大枚煎無淡竹葉

淋頂湯

出聖  
惠方

治時氣頭痛不可忍者

石膏

十兩  
搗碎

梔子仁

三兩

竹葉

一握

甘菊花

三兩

豉心

三合

葱白

十四  
莖切

右以水六碗煮取三碗去滓內有紫瓶中稍熱淋注

頂上

治時氣頭痛壯熱絕甚者

出聖  
惠方

石膏

二兩

薺莖

木通

剉

犀角屑

各一兩

甘草

半兩炙  
微赤剉

右為散每服五錢以水一大盞入竹葉三七片煎至

五分去滓不計時候溫服

前胡散

出聖  
惠方

治時氣壯熱頭痛嘔逆不能飲食

前胡

去蘆  
頭

知母

犀角屑

葛根

剉

赤芍藥

各一  
兩

石膏

二  
兩

右為散每服四錢以水一半盞入竹葉二十片生薑

半分葱白七寸煎至六分去滓不計時候溫服

菊花散

出聖  
惠方

治時氣頭痛至甚及百骨節疼痛

甘菊花

麻黃

去根節

葛根

剉

黃芩

各一兩

羚羊角屑

玄參

梔子仁

赤芍藥

甘草

右為散每服三錢以水一中盞煎至六分去滓不計

時候溫服

治時氣二三日壯熱頭痛甚者

出聖惠方

以不蛀皂莢一挺去皮子以濕布裹煨令焦黑搗細羅為散每服二錢以熱酒調下衣覆取汗仍先以白

卷一百四十八  
礬湯密室中浴後服之

治時氣頭痛不止及治傷寒頭痛

出聖惠方

以川朴硝三兩為散用生油調塗頂上

又方

出聖惠方

以梔子仁搗羅為散每服一錢以溫水調下

又方

出聖惠方

以東瓜爛搗搦於疼痛處神効

又方

出聖惠方

以石膏五兩為散研令極細每服不計時候以臘茶調下二錢

參蘇飲

出聖惠方

治感冒發熱頭痛或因痰飲停積兼以

胃熱並宜服若感冒發熱亦如服養胃湯法連進數服取微汗即愈若尚有餘熱更徐徐服之自然平治因痰飲發熱但連日頻進以熱退為期不可預止兼治中脘痞膈嘔逆惡心開胃進食及一切發熱咳嗽聲重涕唾稠粘此藥解肌熱寬中快膈或欲或勞療

潮熱往來小兒室女亦宜服之兼治發瘧

木香

半兩

紫蘇葉

乾葛

洗

半夏

洗七次  
薑製炒

前胡

去苗

甘草

炙

茯苓

去皮

人參

各三分

枳殼

去瓢  
麩炒

桔梗

去蘆

陳皮

去白各  
半兩

右咬咀每服四錢水一盞半薑七片棗一箇煎至六

分去滓微熱服不拘時候一方以氣盛者不用木香

只十味

參蘇敗毒散

一名敗毒散  
出聖濟方

治傷寒時氣頭痛項強壯



熱惡寒身體煩疼及寒壅欬嗽鼻塞聲重風痰頭痛  
嘔噦寒熱並皆治之

柴胡

去苗

甘草

炙

桔梗

人參

去蘆

茯苓

去皮

芎藭

枳殼

去瓤  
麩炒

前胡

去苗  
洗

羌活

去苗

獨活

去苗各  
三十兩

右為麤末每服二錢以水一盞生薑薄荷同煎至七  
分去滓不拘時寒多則熱服熱多則溫服生薑薄荷  
各少許一方無獨活傷濕加白朮脚氣炊赤熱重寒

熱如瘧自汗惡風或無汗惡寒加大黃蒼朮皮膚赤  
疹癢痒加蟬蛻痢純下赤胃壯能食者與數服此  
方和劑方為末每服三錢匕三因方為散每服四錢  
匕今人或用四錢重非藥性涼自利及曾汗下脉虛  
手足冷者勿服心脇氣觸痛或發熱背寒者勿服  
七聖湯 治時氣頭痛壯熱肢體煩疼

麻黃

去根節煎掠去沫炒焙三兩

蒼朮

炒

甘草

炙對各二兩

橘皮

湯浸去白焙

木通

對

山茵陳

各一兩

桔梗

炒一兩半

右麤搗篩每服三錢匕水一盞入生薑三片同煎至七分去滓溫服

防風散 治頭痛壯熱惡風百節痠疼肩背拘急面赤

虛煩聲重咳嗽

厚朴

薑製

陳皮 甘草

炙

藁本

各二兩

桔梗

炒三錢

獨活

防風

蒼朮

折去皮四兩

右為細末每服三錢以水一大盞薑三片棗二枚煎

至七分溫服沸湯點亦可春夏宜用之

羌活散 治四時傷寒頭痛鼻塞或流清涕項背拘急

惡風自汗

柴胡

四兩

白芷

川芎

藁本

各一兩

桔梗

甘草

獨活

羌活

各半兩

右咬咀每服三錢以水一中盞半葱薑煎至七分熱服

治傷寒及時氣溫病頭痛壯熱脈盛始得一日

用黃丹塗身令遍向火坐令汗出

治傷寒時氣溫病頭疼壯熱脉盛

取生蘘荷葉根合搗絞汁服三四升

山茵陳散 治時行身熱頭痛四肢痠痛

山茵陳

四兩

石膏

碎研一兩

麻黃

去根節煎掠去沫焙一兩

蒼朮

米泔水浸一宿去皮作片炒三兩

右為散每服二錢匕熱葱茶清調下連併三服衣覆

取汗

五解湯 治時氣頭痛五心煩熱語言狂亂

麻黃

去根節煎  
去沫二兩

越桃

一半生一半  
熟各一兩

白朮

桔梗炒

石膏

碎

杏仁

去皮尖  
雙仁炒

右麤搗篩每服三錢匕水一盞生薑三片豉七粒葱  
白一寸薄荷五葉同煎至七分去滓熱服如欲出汗  
併煎兩服衣被蓋覆瘥

茵陳麻黃散 治時氣頭痛壯熱或暑毒伏心狀如瘧

疾

山茵陳

四兩

麻黃

去根節煎去沫焙五兩

石膏

碎一兩

蒼朮

水浸去粗皮

蜀椒

去目并開口者炒出汗各二兩

右為細散每服二錢匕點茶調下如狂言熱躁沙糖

冷水調下

麻黃大黃散 治時氣頭痛壯熱三日內宜服

麻黃

去根節一兩

大黃

剉

桂

去粗皮

芍藥

黃芩

去黑心

甘草

炙剉

乾薑

炮各半兩

右為散每服三錢匕暖酒調下衣被蓋取汗

石膏湯 治時行疫癘病壯熱頭痛唇乾

石膏

碎一兩

葛根

剉三分

芍藥

貝母

百合

升麻

各半兩

梔子仁

甘草

炙各一分

右麤搗篩每服三錢七水一盞半豆豉五十粒葱白三寸同煎一盞去滓溫服

豉尿湯 治天行熱氣頭痛骨目酸疼壯熱等疾若初

病一日在毛髮二日在皮膚三日在肌肉必未得汗

利且宜進此湯



豉 葱白

各一升

小便

三升童子者為佳

右先熬豉及葱白令相得則投小便煮取一升澄清及熱頓服或汗或利但得則瘥如未歇依前更進一劑頻用有效

如不除進柴胡湯

麻黃

陳者去根節

甘草

炙各二兩

柴胡

黃芩

乾葛

各三兩

石膏

五兩碎綿裹

豉

七合綿裹三沸

葱白根

切一升勿令有青夏青即熱白即冷一作桑根皮

右切以水九升宿漬藥明旦先煮麻黃令沸掠去上沫然後并諸藥煮取二升七合分三服服別相去三食頃久覆取汗汗出以粉拭之惡寒多加桂心一兩忌海藻松菜等

治傷寒時氣溫病方及頭痛壯熱脉大始得一日

取小蒜根葉合搗三升許和真丹一兩水一升合煮絞取汁頓服之得吐便瘥若重一升盡服厚覆取汗即瘥

又方

用小蒜一升搗取汁三合頓服之不過再作便瘥

又方

用烏梅二七枚鹽五合以水三升煮取一升去滓頓

服之

神明白朮散

出活人書

治瘟疫病頭痛壯熱惡寒不解

白朮

剉炒

附子

炮製去皮  
臍各二兩

桔梗

細辛

去苗葉  
各一兩

烏頭

炮製去皮  
臍四兩

右為散以絹囊盛帶之居間皆無病有病疫癘者溫酒服方寸匕覆取汗或得吐即差若經三四日抄三錢匕水二盞煎一盞半去滓分溫三服

治時氣頭痛壯熱

方見本門時氣一日頭痛壯熱方

時氣譫語論

夫時氣熱毒攻心則心神煩亂陽氣大盛遂譫言目赤心煩不得睡卧精神驚悸言語失常毒氣不除腸中結

燥其脉洪數者是其候也

方

秦艽散

出聖惠方

治時氣熱毒躁悶譫言口舌乾渴不止

秦艽

去苗

黃芩

木通

剉

犀角屑

梔子仁

玄參

藍葉

麥門冬

去心

桔梗

去苗頭各一分

甘草

炙微赤剉各三分

赤芍藥

白鮮皮散

出聖惠方

治時氣大熱悶亂譫言

白鮮皮

犀角屑

川升麻

大青

甘草

炙微赤剉  
各一兩

右為散每服五錢以水一大盞煎至五分去滓不計

時候溫服

治時氣譫語欲走

出聖  
惠方

生雞子白

一枚

川芒硝

一兩  
細研

生甘草末

一錢

右以井華水一中盞攪令勻吹去沫不計時候服之

生地黃飲子

出聖  
惠方

治時氣心膈大熱煩悶言語失度

生地黃

三兩

玄參

赤茯苓

各一兩

麥門冬

二兩  
去心

犀角屑

一兩

甘草

半兩  
炙  
微赤剉

右細剉和勻每服半兩以水一大盞煎至五分去滓  
不計時候溫服

治時氣煩熱如火譫語欲走

出聖  
惠方

人參

去蘆  
頭

甘草

炙令微黃  
各一兩

右為散每服一錢以新汲水調服須臾更令病人多  
飲冷水得吐之為效

猪苓散

出聖  
惠方

治時氣但譫言煩躁不安

猪苓

去黑心

白鮮皮

澤瀉

赤茯苓

大青

各三分

麥門冬

一兩去心焙

川大黃

三分

甘草

半兩炙微赤剉

右為散每服不計時候以新水調下三錢

犀角丸

出聖惠方

治時氣熱毒在臟譫語口乾煩燥

犀角屑

梔子仁

川大黃

剉碎微炒

鐵粉

細研

馬牙硝

各一兩

甘草

三分炙微赤剉

右為末煉蜜和丸如梧桐子大每服不計時候以溫



竹葉湯下三十丸

大黃丸

出聖惠方

治時氣大熱不退譫語大便難

川大黃

二兩剉碎微炒

黃芩

猪苓

去黑皮

犀角屑

枳殼

麩炒微黃去瓢

川朴硝

各一兩

右為末煉蜜和搗三百杵丸如梧桐子大每服不

計時候以麥門冬湯溫溫下三十丸

水利散

出千金方

治天行病煩熱如火狂言妄語欲走

白芷

一兩

甘遂

二兩

右二味搗篩以水服方寸匕須臾令病人飲冷水滿腹則吐之小便當赤色也一名濯腹湯此方療大急者

治天行壯熱狂言謬語五六日者

鷄子

三枚

芒硝

方寸匕

井花水

一杯

右三味合攪盡服之心煩下即愈

水導散 治時氣病煩熱如火狂言妄語欲走

甘遂

半兩

白芷

二兩

大黃

四兩

厚朴

八兩


枳實

五枚

芒硝

三合

右四味㕮咀以水一斗先煮厚朴枳實取五升去滓  
內大黃煎取二升去滓芒硝更煎一兩沸分再服得  
快利止



普濟方卷一百四十八